

CONCELLO DE XOVE

ACORDO REGULADOR DO PREZO PÚBLICO POLA PRESTACIÓN DO SERVIZO DE AXUDA NO FOGAR

I.- FUNDAMENTO E NATUREZA

Artigo 1º.- Este Concello consonte ó autorizado polo artigo 127 do RDL 2/2004, de 5 de marzo, polo que se aproba o texto Refundido da Lei Reguladora das Facendas Locais, e de acordo co previsto no artigo 41 do citado texto legal, establece o prezo público pola prestación do servizo de axuda no fogar, que se regulará polo presente Acordo Regulador.

II.-CONCEPTO

Artigo 2º.- Constitúe o obxecto deste prezo público a prestación do servizo de axuda no fogar.

III. OBRIGADO Ó PAGO

Artigo 3º.- Están obrigados ao pago calquera persoa que solicite o servizo a que fai referencia o artigo anterior. Para ser beneficiario do servizo estarase ao disposto no Regulamento municipal do Servizo de Axuda no Fogar.

IV. EXENCIÓNS E REDUCCIÓNS

Artigo 4º.- Terán unha redución do 100% da cuota do prezo os usuarios de libre concorrencia que pertencen a unidades de convivencia cunha renda per cápita inferior ao 80% do IPREM (Indicador público de rendas de efectos múltiples) publicado anualmente.

V. OBRIGA DE PAGO

Artigo 5º.- Considérase devengada a exacción no momento da aprobación da solicitude efectuada polo órgano competente.

VI. TARIFAS

Artigo 6º.- Os prezos que se abonen polos usuarios serán o resultado de aplicar ao custo do servizo en función do número de horas que corresponda conceder ao solicitante, a seguinte porcentaxe:

1.- MODALIDADE DE LIBRE CONCORRENCIA

Capacidade económica Ingresos en relación ao IPREM	PREZO
---	--------------

MENOR DE 0.80 IPREM	0% DO CUSTO DO SERVIZO
MAIOR DE 0.80 IPREM E MENOR OU IGUAL A 1.50 IPREM	30% DO CUSTO DO SERVIZO
MAIOR DE 1.50 IPREM E MENOR OU IGUAL A 2 IPREM	50 % DO CUSTO DO SERVIZO
MAIOR DE 2 IPREM E MENOR OU IGUAL A 2.50 IPREM	70 % DO CUSTO DO SERVIZO
MAIOR DE 2.5 IPREM	90 % DO CUSTO DO SERVIZO

2.- MODALIDADE DE ACCESO DIRECTO

No caso de que a capacidade económica da persoa usuaria do servizo de axuda no fogar para persoas dependentes valoradas con dereito de atención recoñecido, sexa igual ou inferior a o IPREM quedará exenta da obriga de participar no custo de servizo.

Nos demais supostos, aplicarase a seguinte táboa, na cal se expresa o copagamento en termos de porcentaxe sobre a capacidade económica da persoa usuaria e en función da intensidade do servizo asignado:

Capacidade económica (referenciada ao IPREM) Ata	Grao I	Grao II	Grao III
	<=20 h	<=45 h	<=70 h
100,00 %	0,00 %	0,00 %	0,00 %
115,00 %	4,52 %	9,61 %	14,70 %
125,00 %	5,41 %	11,50 %	17,58 %
150,00 %	5,55 %	11,79 %	18,03 %
175,00 %	5,65 %	12,00 %	18,35 %
200,00 %	5,72 %	12,16 %	18,60 %
215,00 %	5,81 %	12,34 %	18,87 %
250,00 %	6,03 %	12,82 %	19,61 %
300,00 %	6,24 %	13,26 %	20,29 %
350,00 %	6,42 %	13,63 %	20,85 %
400,00 %	6,54 %	13,90 %	21,25 %
450,00 %	6,63 %	14,09 %	21,55 %
500,00 %	6,70 %	14,25 %	21,79 %
>500 %	6,76 %	14,36 %	21,97 %

Nos casos en que, por renuncia parcial expresa da persoa beneficiaria ao seu dereito de atención co número de horas expresadas no PIA, ou cando por tratarse dun suposto de compatibilización do SAF con outro servizo ou prestación do catálogo as horas reais prestadas de servizo de axuda no fogar sexan inferiores á cantidade expresada en cada columna da táboa anterior para o grao e novel correspondente, a cantidade por pagar será minorada proporcionalmente á diminución das horas efectivas de servizo.

En ningún caso o importe da participación económica que deberá ingresar a persoa beneficiaria en concepto de copagamento poderá exceder o 90% do custo do servizo determinado en termos de prezo/hora.

3.- Para a determinación da renda, estarase ao establecido no artigo 18 do Regulamento do Servizo.

O custo do servizo establécese para o ano 2011 en 13,84 euros/hora e toma como referencia o coste directo de prestación do servizo en réxime de xestión indirecta e os costes indirectos asociados ao mesmo.

O custo do servizo será revisado anualmente no caso de existir variacións do mesmo. Igualmente, a achega dos usuarios será obxecto de actualización segundo a contía anual do IPREM ou indicador que o substitúa.

VII. NORMAS DE XESTION

Artigo 7º.- A débeda derivada do prezo público pola prestación do servizo de axuda no fogar liquidarase por padrón. A inclusión no padrón realizarase de oficio unha vez aprobada a solicitude de acceso ao servizo e determinado o número de horas a conceder.

O ingreso do prezo practicarase preferentemente mediante domiciliación bancaria, se ben se permitirá no seu defecto o ingreso nas contas bancarias de titularidade do Concello.

DISPOSICION FINAL

O presente Acordo regulador entrará en vigor e comenizará a aplicarse no momento da súa publicación no BOP, condicionado igualmente á entrada en vigor do Regulamento do Servizo de Axuda no Fogar, permanecendo vixente ata a súa modificación ou derogación expresa.

B.O.P. nº 106 de 10/05/2014